

KERATAN AKHBAR

TARIKH : 7 JULAI 2023
AKHBAR : BERITA HARIAN
MUKA SURAT : 24

Rakyat lega pengekaln Kadar Dasar Semalaman

Rakyat lega pengekaln Kadar Dasar Semalaman

Pengekaln Kadar Dasar Semalaman (OPR) pada 3.00 peratus dapat memberi kelegaan kepada rakyat serta menggalakkan lagi perkembangan ekonomi domestik, kata penganalisis.

Penganalisis ekonomi Universiti Kuala Lumpur (UniKL) Business School, Prof Madya Dr Aimi Zulhazmi Abdul Rashid, berpendapat pengekaln kadar berkenaan memberikan ruang kepada ekonomi rakyat untuk kekal pulih.

Beliau berkata, rakyat ketika ini tertekan dengan kenaikan kos sara hidup walaupun kadar inflasi teras terkawal manakala kadar inflasi keseluruhan bertambah baik sekitar 2.8 peratus pada Mei yang lalu.

"Keputusan BNM itu katanya sangat membantu terutama kuasa membeli pengguna yang berkurangan apabila pertambahan OPR sekiranya berlaku

akan meningkatkan lagi pembayaran pinjaman bulanan kepada bank," katanya.

Aimi Zulhazmi berkata, selain itu, perkembangan ekonomi domestik juga dapat dikekalkan supaya terus memacu pertumbuhan yang baik.

Beliau berkata, ini adalah disebabkan eksport negara semakin perlahan dengan beberapa bulan kebelakangan ini jumlah perdagangan negara semakin sederhana, malah eksport mengucut sebanyak dua bulan berturut-turut pada April dan Mei.

"Ini disebabkan ekonomi global semakin merosot dengan kelembapan ekonomi berlaku di Eropah dan Amerika Syarikat (AS) berikutan keputusan bank pusat negara itu menaikkan kadar faedah.

"Ekonomi domestik perlu menjadi peneraju perkembangan ekonomi negara dalam menca-

pai sasaran Keluaran Dalam Negara Kasar (KDNK) antara 4.5 hingga 5 peratus," katanya.

Sementara itu, Ketua Ekonomi dan Kewangan Sosial Bank Muamalat Malaysia Bhd, Dr Mohd Afzanizam Abdul Rashid, pula berkata tindakan BNM itu menunjukkan bahawa keadaan dasar monetari adalah sedikit akomodatif.

Beliau berkata, pengekaln OPR itu juga adalah sebahagian langkah BNM membiarkan pintu terbuka untuk kemungkinan kenaikan OPR dalam tempoh berikutnya.

"Walaupun bagaimanapun, tanggapan sedemikian adalah berdasarkan bagaimana inflasi teras akan berkembang terutamanya dalam konteks kemungkinan perubahan dalam dasar berkaitan subsidi dan kawalan harga serta pembangunan penanda aras kewangan.

"Sehubungan itu, saya percaya BNM amat berhati-hati tentang cara mereka mengemudi dasar monetari pada masa sektor luar semakin mencabar," katanya.

Afzanizam berkata, penurunan berterusan dalam Indeks Pengurus Pembelian (PMI) secara global menunjukkan bahawa perniagaan telah menjadi berhati-hati terhadap prospek pendapatan mereka.

Beliau berkata, ia boleh mendorong mereka untuk melihat semula strategi perniagaan termasuk rancangan pengambilan pekerja serta perbelanjaan modal.

"Dari satu segi, prospek pasaran buruh dan tekanan harga jangka berkurangan pada masa hadapan.

"Saya rasa BNM mungkin mahu mengekalkan OPR stabil pada 3.00 peratus sepanjang 2023," katanya.

Keputusan BNM itu sangat membantu terutama kuasa membeli pengguna yang berkurangan apabila pertambahan OPR sekiranya berlaku akan meningkatkan lagi pembayaran pinjaman bulanan kepada bank

Prof Madya Dr Aimi Zulhazmi Abdul Rashid, Penganalisis ekonomi UniKL Business School

